

醫統正脈全書

六四

丹溪心法卷四

元 丹溪朱震亨著

痿五十六

痿証斷不可作風治而用風藥 有濕熱 濕痰氣虛

血虛 瘀血 濕熱東垣健步丸加燥濕降陰火蒼

朮黃芩黃柏牛膝之類 濕痰二陳湯加蒼朮白朮黃

芩黃柏竹瀝姜汁 氣虛四君子湯加黃芩黃柏蒼朮

之類 血虛四物湯加黃柏蒼朮煎送補陰丸 亦有

食積死血妨碍不得下降者大率屬熱用參朮四物湯

黃柏之類

附錄謹按五痿等証特立篇目所論至詳後代諸方獨於此証蓋多缺畧攷其由皆因混入中風條內故也丹溪先生痛千古之弊憫世之罹此疾者多誤于庸醫之手有志之士必當究其心焉夫陳無擇謂痿因內藏不足所致誠得之矣然痿之所不足乃陰血也而方悉是補陽補氣之劑寧免實實虛虛之患乎且無擇以三因立方可謂諸方之冠其餘此証尤且未明況求於他者乎

附方 健步丸 東垣方

防已 酒洗 一兩

羌活 柴胡

滑石 炒

甘草 炙

瓜蒌根 酒洗以上 各半兩

澤瀉

防風 各三錢

苦參 酒洗

川烏 各一錢

肉桂 五分

右爲末酒糊爲丸梧桐子大每服七十九葱白煎愈

風湯下 見中風類

補陰丸 見諸虛類

清燥湯 治濕熱成痿以燥金受濕熱之邪是絕寒水

生化之源源絕則腎虧痿厥之病大作腰已下痿軟

癱瘓不能動

黃芪

一錢五分

蒼朮

一錢

白朮

橘皮

澤瀉

各半錢

人參

白茯苓

升麻

各三分

麥門冬

歸身

生芩

曲末

猪苓

各二分

酒柏

柴胡

黃連

各一分

五味子

九箇

甘草

炙二分

右每服半兩水煎空心服

厥五十七

附手足十指麻木

厥逆也手足因氣血逆而冷也 因氣虛為主 有因

血虛 氣虛脉細 血虛脉大 熱厥脉數 外感脉

沉實 有痰脉弦 因痰者用白朮竹瀝 氣虛四君

子 血虛四物 熱厥用承氣 外感用雙解散加姜

汁酒 有陰厥陽厥陰衰於下則熱陽衰於下則寒

手足麻者屬氣虛 手足木者有濕痰死血 十指麻

木是胃中有濕痰死血

附錄厥者甚也短也逆也手足逆冷也其証不一散

之方書者甚多今姑撮大槩且如寒熱厥逆者則爲

陰陽二厥也陽厥者是熱深則厥蓋陽極則發厥也

不可作陰証而用熱藥治之精魂絕而死矣急宜大
小承氣湯隨其輕重治之所謂陰厥者始得之身冷
脉沉四肢逆足踈卧唇口青或自利不渴小便色白
此其候也治之以四逆理中之輩仍速灸關元百壯
又尸厥飛尸卒厥此卽中惡之候因冒犯不正之
氣忽然手足逆冷肌膚粟起頭面青黑精神不守或
錯言妄語牙緊口噤或昏不知人頭旋暈倒此是卒
厥客忤飛尸鬼擊吊死問喪入廟登塚多有此病以
蘇合丸灌之候稍甦以調氣散和平胃散服名調氣

平胃散 痰厥者乃寒痰迷悶四肢逆冷宜姜附湯

溫通之必以生附代熟附 虻厥者乃胃寒所生經

曰虻者長蟲也胃中冷即吐虻蟲宜理中湯加炒川

椒五粒檳榔半錢吞烏梅丸効虻見椒則頭伏故也

氣厥者與中風相似何以別之風中身溫氣中身

冷以八味順氣散或調氣散如有痰以四七湯導痰

湯服之

附方 八味順氣散 見中風類

調氣散

百豆蔻

丁香

檀香

木香

各二錢

藿香

甘草

炙各八錢

砂仁

四錢

右爲末每服二錢入塩少許沸湯點服

平胃散

蒼朮

泔浸五斤

厚朴

姜制炒

陳皮

各三斤

甘草

炒三兩

右爲末每服五錢姜三片棗一箇煎服入塩一捻沸

湯點服亦得

四七湯

厚朴

二兩

茯苓

四兩

半夏

五兩

紫蘇

二兩

右每服四錢水一鍾姜七片棗一箇煎服

承氣湯

見痢類

四逆湯

理中湯

姜附湯

並見中寒類

烏梅丸

見心痛類

導痰湯

見痰類

痙五十八

痙切不可作風治兼用風藥大率與癰病相似比癰

為甚為虛宜帶補多是氣虛有火兼痰宜用人參竹

瀝之類

附錄古方風痙曰痙也經云諸痙項強皆屬於濕土
是太陽傷濕也又云諸暴強直皆屬於風是陽明內
鬱而陰行於外又曰陽痙曰剛無汗陰痙曰柔有汗
亢則害承乃制故濕過極反兼風化制之然兼化者
虛象實非風也

附方

葛根湯 治痙病無汗而小便少反惡寒者名剛痙

葛根

四錢

麻黃

二錢

桂枝

二錢

芍藥

二錢

甘草

三錢
炙

右吹咀水二鍾生姜三片棗一枚煎服覆取微汗

桂枝加葛根湯 治瘧病有汗不惡寒者服之此名柔

瘧

葛根

四錢

生姜

三錢

桂枝

芍藥

甘草

各二錢

右作一服水二鍾棗一箇煎服 一瘧皆可用小續

命湯加減服若胃滿口噤咬齒脚攣卧不着床者以

大承氣湯下之無疑矣

小續命湯

見中風類

大承氣湯

見痢類

癰五十九

驚與痰宜吐 大率行痰爲主用黃連南星瓜藋半夏
尋火尋痰分多分治之無不愈者 分痰與熱 有熱
者以涼藥清其心 有痰者必用吐藥吐後用東垣安
神丸 大法宜吐吐後用平肝之劑青黛柴胡川芎之
類龍會丸正宜服之 且如癰因驚而得驚則神不守
舍舍空而痰聚也

戴云癰者俗曰猪癩風者是也

附錄癇症有五馬牛雞豬羊且如馬癇張口搖頭馬
鳴牛癇目正直視腹脹雞癇搖頭反折喜驚羊癇喜
揚目吐舌豬癇喜吐沫以其病狀偶類之耳無非痰
涎壅塞迷悶孔竅發則頭旋顛倒手足搐搦口眼相
引胷背強直叫吼吐沫食頃乃甦宜星香散加全蝎
三箇

附方

續命湯 主癇發頓悶無知口吐沫出四體角弓反張
目反上口噤不得言

竹瀝一升二合

生芡汁一升

龍齒末

生姜

防風

麻黃去節各四兩

防已

附子炮各二兩

石膏

桂二兩

石十味水一斗煮取三升分三服有氣加紫蘇陳皮

各五錢

小兒癩千金有風食驚三種本事方又有陰陽癩慢

脾風三証慢脾即食癩宜醒脾丸人參散

古方三癩丸 治小兒百二十種驚癩

荆芥穗

二兩

白礬

一兩半生半枯

右爲末麩糊爲丸黍米大硃砂爲衣姜湯下二十九
如慢驚用來復丹急驚三癇丸食癇醒脾丸可也

本事人參散

治慢脾風神昏痰盛

人參

半兩

圓白大南星

一兩切片以生姜汁并漿水各半蔭滿煮帶性晒

右爲末每服一錢水一盞姜二片冬瓜仁搗細少許
同煎取半盞作兩三次灌下

寧神丹

清熱養氣血不時潮作者可服

天麻

人參

陳皮

白朮

歸身

茯神

荆芥

殭蠶炒

獨活

遠志

犀角

麥門冬去心

酸棗仁

辰砂另研各半兩

半夏

南星

石膏

各一兩

甘草

炙

白附子

川芎

鬱金

牛黃各三錢

珍珠

三錢

生芩

黃連

各半兩

金箔

三十片

右為末酒糊丸空心服五十九白湯下

東垣安神丸

黃連

一錢五分酒洗

硃砂

一錢水飛

酒生芩

酒歸身

炙甘草

各五分

右除硃砂水飛外四味搗爲末和勻湯浸蒸餅丸如
黍米大每服十五丸食後津嚥下

星香散

見中風類

顛狂六十

癲屬陰狂屬陽癲多喜而狂多怒脉虛者可治實則死
大率多因痰結於心胸間治當鎮心神開痰結亦有中
邪而成此疾者則以治邪法治之原病式所論尤精蓋
爲世所謂重陰者癲重陽者狂是也大槩是熱 癲者
神不守舍狂言如有所見經年不愈心經有損是爲真

病如心經蓄熱當清心除熱如痰迷心竅當下痰寧志
若癲哭呻吟爲邪所憑非狂也燒蠶紙酒水下方寸七
卒狂言鬼語針大拇指甲下卽止 風癲引脇痛發
則耳鳴用天門冬去心日乾作末酒服方寸七 癲証
春治之入夏自安宜助心氣之藥 陽虛陰實則癲陰
虛陽實則狂狂病宜大吐下則除之

八方 治癲風

麻仁四升

右以水六升猛火煮至二升去滓煎取七合旦空心

服或發或不發或多言語勿怪之但人摩手足須定
凡進三劑愈

又方 治狂邪發無時披頭大叫欲殺人不避水火

苦參 不以多少

右爲末蜜丸如梧子大每服十五丸煎薄荷湯下

驚悸怔忡六十一

驚悸者血虛驚悸有時以硃砂安神丸 痰迷心膈者
痰藥皆可定志丸加琥珀鬱金 怔忡者血虛怔忡無
時血少者多 有思慮便動屬虛 時作時止者痰因

火動 瘦人多因是血少肥人屬痰 尋常者多是痰
眞覺心跳者是血少四物硃砂安神之類 假如病
因驚而得驚則神出其舍舍空則痰生也

戴云怔忡者心中不安惕惕然如人將捕者是也

附錄驚悸人之所主者心心之所養者血心血一虛
神氣不守此驚悸之所肇端也曰驚曰悸其可無辨
乎驚者恐怖之謂悸者怔忡之謂心虛而鬱痰則耳
聞大聲目擊異物遇險臨危觸事喪志心爲之忤使
人有惕惕之狀是則爲驚心虛而停水則胷中滲漉

虛氣流動水既上乘心火惡之心不自安使人有快
快之狀是則為悸驚者與之豁痰定驚之劑悸者與
之逐水消飲之劑所謂扶虛不過調養心血和平心
氣而已

入方 治勞役心跳大虛証

硃砂

歸身

白芍

側柏葉

炒各五錢

川芎

陳皮

甘草

各二錢

黃連

炒一錢半

右為末豬心血丸服

附方

養心湯 治心虛血少驚悸不寧

黃耆炙

白茯苓

茯神

半夏曲

當歸

川芎各半兩

遠志去心姜汁炒

辣桂

柏子仁

酸棗仁炒

五味

人參二錢半

甘草炙四錢

右每服三錢水煎姜三片棗一箇食前服 治停水

怔忡加檳榔赤茯苓

寧志丸 治心虛血虛多驚 若有痰驚宜吐之

人參

白茯苓

茯神

柏子仁

琥珀

當歸

酸棗仁

溫酒浸半日
去殼隔紙炒

遠志

各半
兩炒

乳香

朱砂

石菖蒲
二錢
半

右為末煉蜜丸如梧子大服三十丸食後煎棗湯吞

下

朱雀丸

治心病怔忡不止

白茯神

二兩

沉香

五錢

右為末煉蜜丸小豆大服三十丸人參湯下

加味四七湯

治心氣鬱滯豁痰散驚

半夏

二兩
半

白茯苓

厚朴

各一兩
半

茯神

紫蘇各一兩

遠志炒

甘草炙半兩

石每服四錢 生姜五片 石菖蒲一寸 棗一枚 水煎服

朱砂安神丸

朱砂五錢 水飛 過另研 黃連酒洗 六錢 甘草炙二錢 半 生芩一錢 半

當歸二錢 半

右四味為末 蒸餅丸如黍米 大朱砂為衣服 二十九

或五十九津下

定志丸見健忘類

健忘六十二

健忘精神短少者多亦有痰者

戴云健忘者爲事有始無終言談不知首尾此以爲病之名非比生成之愚頑不知人事者

附錄健忘者此證皆由憂思過度損其心胞以致神舍不清遇事多忘乃思慮過度病在心脾又云思傷脾亦令朝夕遺忘治之以歸脾湯須兼理心脾神寧意定其証自除也

附方

歸脾湯

治思慮過度勞傷心脾健忘怔忡

白朮

茯神

黃耆

圓眼肉

酸棗仁

炒各一兩

人參

木香

各半兩

甘草

炙二錢半

右每服四錢姜三片棗一枚水煎服

定志丸

治心氣不定恍惚多忘

遠志

二兩

人參

一兩

菖蒲

一兩

白茯苓

三兩

右爲末煉蜜丸如梧子大朱砂爲衣服二十九米湯

下

痛風六十三

附肢節痛

四肢百節走痛是也他方謂之白虎歷節風証

大率

有痰 風熱 風濕 血虛 因於風者小續命湯

因於濕者蒼朮白朮之類佐以竹瀝 因於痰者二陳湯加酒炒黃芩羌活蒼朮 因於血虛者用芎歸之類佐以紅花桃仁 大法之方蒼朮川芎白芷南星當歸酒黃芩 在上者加羌活威靈仙桂枝 在下者加牛

膝防己木通黃柏 血虛格致餘論詳言多用川芎當歸佐以桃仁紅花薄桂威靈仙治痛風取薄桂味淡者獨此能橫行手臂領南星蒼朮等藥至痛處

入方 治上中下疼痛

南星 姜制

蒼朮 泔浸

黃柏 酒炒各二兩

川芎 一兩

白芷 半兩

神麩 炒一兩

桃仁 半兩

威靈仙 酒拌三錢

羌活 三錢走骨節

防已 半兩下行

紅花 酒洗一錢半

桂枝 三錢行臂

草龍膽 半錢下行

右爲末麩糊丸梧子大每服一百丸空心白湯下

張子元血氣虛有痰白濁陰火痛風

人參 一兩

白朮

熟地 各二兩

黃柏 炒黑二兩

山藥

海石

南星 各一兩

瑣陽 半兩

乾姜 燒灰半兩取其不走

敗龜板 酒炙二兩

右爲末粥丸一二云酒糊丸

臂痛方

蒼朮一錢半

半夏

南星

白朮

酒芩炒

香附各一錢

陳皮

茯苓各半錢

威靈仙三錢

甘草少許別本加羌活一錢

右以咀作一服入生姜二三片

二妙散 治筋骨疼痛因濕熱者有氣加氣藥血虛者

加補藥痛甚者加生姜汁熱辣服之

黃柏炒

蒼朮米泔浸炒

石二味爲末沸湯入姜汁調服二物皆有雄壯之氣
表實氣實者加酒少許佐之 若痰帶熱者先以舟
車丸或導水丸神芎丸下之後以趁痛散服之

趁痛散

乳香

沒藥

桃仁

紅花

當歸

地龍

牛膝

羌活

甘草

五靈脂

香附

童便

或加酒芩炒酒柏

八珍丸

治痛風走注脚疾

乳香

沒藥

代赭石

穿山甲

生用各三錢

羌活

草烏

生用各五錢

全蝎

二十一个炒

川烏

生用一兩不去皮尖

右為末醋糊丸如梧子大每二十一丸温酒送下

四妙散

痛風走注

威靈仙

酒浸五錢

羊角灰

三錢

白芥子

蒼耳

一錢半云蒼朮

右為末每服一錢生姜一大片搗汁入湯調服

又二妙散同調服

又方 治酒濕痰痛風

黃柏 酒炒

威靈仙 酒炒各五錢

蒼朮

羌活

甘草 三錢

陳皮 一錢

芍藥 一錢

右爲末每服一錢或二錢沸湯入姜汁調下

治氣實表實骨節痛方

活石 六錢

甘草 一錢

香附

片苓 各三錢

右爲末姜汁糊丸如梧子大每服五七十九白湯吞

下

又方

糯米一盞

黃躑躅根一握黑豆半合

右用酒水各一碗煎徐徐服之大吐大瀉一服便能

行動

治食積肩腿痛

龜板酒浸一兩

酒柏葉

香附半兩

辣芥子

凌霄花

右為末酒糊丸如梧子大煎四物湯加陳皮甘草湯

下

附方

控涎丹 治一身及兩脇走痛痰挾死血者

甘遂 麵裹煨 大戟 製 真白芥菜子 炒各等分

右為末加桃仁泥糊丸如梧子大每服五七丸漸加

至十九臨臥姜湯下

龍虎丹 治走注疼痛或麻木不遂或半身痛

草烏 蒼朮 白芷 各一兩碾粗末拌發酵盪過入後藥

乳香 沒藥 各二錢另研 當歸 牛膝 各五錢

右為末酒糊丸如彈大每服一丸溫酒化下

附錄遍身骨節疼痛晝靜夜劇如虎噬之狀名曰白

虎歷節風並宜加減地仙丹或青龍丸乳香丸等服之

又有痛風而痛有常處其痛處赤腫灼熱或渾身壯熱此欲成風毒宜敗毒散 凡治臂痛以二陳湯加

酒炒黃芩蒼朮羌活

如肢節痛須用羌活去風濕亦宜用之 如肥人肢節痛多是風濕與痰飲流注經絡而痛宜南星半夏如瘦人肢節痛是血虛宜四物加防風羌活 如

瘦人性急燥而肢節痛發熱是血熱宜四物湯加黃

芩酒炒黃柏 如肢節腫痛脉滑者當用燥濕宜蒼

朮南星兼行氣藥木香枳殼檳榔在下者加漢防已

若肢節腫痛脉澁數者此是瘀血宜桃仁紅花當

歸川芎及大黃微利之 如倦怠無力而肢節痛此

是氣虛兼有痰飲流注宜參朮星半 丹溪無肢節

痛條此文又純似丹溪語姑書以俟知者

小續命湯

地仙丹 並見中風類

舟車丸 見中濕類

導水丸 見痢類

神芎丸 見發熱類

敗毒散 見瘟疫類

乳香丸

白附子 炮

南星

白芷

沒藥

赤小豆

荊芥

藿香 去上

骨碎補 去毛

乳香 另研各一兩

五靈脂

川烏 炮去皮臍尖

糯米 炒各二兩

草烏頭 炮去皮尖

京墨 煨各五兩

松脂 半兩研

右爲末酒糊丸梧子大每服十九至十五丸冷酒吞

下茶亦可不拘時忌熱物

癘風六十四 附身上虛痒

大風病是受得天地間殺物之風古人謂之癘風者以

其酷烈暴悍可畏耳人得之者須分在上在下夫在上者以醉仙散取臭涎惡血於齒縫中出在下者以通天再造散取惡物陳蟲於穀道中出所出雖有上下道路之殊然皆不外乎陽明一經治此病者須知此意看其疙瘩與瘡若上先見者上體多者在上也若下先見者下體多者在下也上下同得者在上復在下也陽明經胃與大腸也無物不受此風之入人也氣受之則在上多血受之則在下多氣血俱受者甚重自非醫者神手病者鐵心罕有免此夫或從上或從下以漸而來者皆

是可治之病人見病勢之緩多忽之雖按此法施治病已全然脫體若不能絕味絕色皆不免再發再發則終不救矣某曾治五人矣中間惟一婦人得免以其貧甚且寡無物可喫也餘四人三兩年後皆再發孫真人云吾嘗治四五百人終無一人免於死非孫真人不能治也蓋無一人能守禁忌耳此婦人本病外又是百餘貼加減四物湯半年之上方得月經行十分安愈

醉仙散

胡麻仁

牛旁子

蔓荊子

枸杞子

各半兩同炒黑色

防風

瓜蒌根

白茯苓

苦參

各半兩

右爲末每一兩半入輕粉二錢拌勻大人每用一錢
空心日午臨臥各一服茶湯調下喫後五七日間先
於牙縫內出臭涎水渾身覺疼昏悶如醉利下臭屎
爲度量大小虛實加減與之証候重而急者須先以
再造散下之候補養得還復與此藥喫須斷鹽醬醋
諸般肉魚腥椒料水果煨燒炙博及茄子等物只宜
淡粥煮熟時菜并烏梢茶花蛇用淡酒煮熟食之

再造散

錦文大黃

一兩

皂角刺

一兩半獨生經年黑大黃

鬱金

半兩生

白牽牛

頭末六錢半生半炒

一本無此二味

右為細末每服二錢

一云五錢

臨臥令酒調服

一云日未出百東服

以淨桶伺候泄出蟲如蟲黑色乃是多年赤色是為方近三四日又進一服直候無蟲則絕根矣後用通聖散調理可用三稜針刺委中出血終身不得牛馬驢騾等肉大忌房事犯者必不救

黃精丸

蒼耳葉

紫背浮萍

大力子

各等分

烏蛇肉

中半酒浸
去皮骨

黃精

倍前三味生搗汁
和四味研細焙乾

右爲末神麩糊丸如梧子大每服五七十九温酒下

一方加炒柏生地甘草節

又方

蒼耳葉

浮萍

鼠粘子

烏蛇肉

等分

右用豆淋酒炒等分爲末每服一二錢豆淋酒調下

治麻風脉大而虛者

苦參

七錢半

蒼耳

牛旁子

酒蒸柏

一作

酒栢各
二兩

黃精

浮萍各一
兩

右爲末用烏蛇肉酒煮如無蛇以烏鯉魚亦可糊丸
服之候脉實再用通天再造散取蟲

治麻風

四物湯加羌活防風陳皮甘草

又方

大黃

黃芩

雄黃各三
兩

右爲末用樟樹葉濃煎湯入藥蒸洗

附錄此疾非止肺臟有之以其病發於鼻從俗呼爲

肺風也鼻準腫赤脹大而爲瘡乃血隨氣化也氣既
不施則血爲之聚血既聚則使肉爛而生蟲也生蟲
者厥陰主之以藥緩疎之前局方升麻湯下瀉青丸
餘病各隨經治之

附方

凌霄花散 治癘風

蟬殼

地龍 炮

僵蠶 炒

全蝎 各七箇

凌霄花 半兩

右爲末每服二錢酒調下於浴室內常在湯中住一

時許服藥効

東坡四神丹 治大風

羌活

玄參

當歸

熟地

右等分煉蜜丸梧子大每服七十丸

浮萍散 治癩及風癰

浮萍一兩

荆芥

川芎

甘草

麻黃去根節

已上各半兩或加當歸芍藥

右爲末每服一兩水二盞煎入葱白豆豉亦可汗出

則愈

通聖散 見斑痧類

局方升麻湯

熟半夏

茯苓

白芷

當歸

各二錢

蒼朮

乾葛

桔梗

升麻

各一兩

熟枳殼

乾姜

各半錢

大黃

蒸半兩

芍藥

七錢半

陳皮

甘草

各一兩半

右咬咀每服四錢生薑燈心同煎食前服

瀉青丸

見中風類

身上虛痒血不榮於腠理所以痒也

右用四物湯加黃芩煎調浮萍末服之

又方

凌霄花末一錢酒調下

纏喉風喉痺六十五

附咽痛咽瘡

喉痺大槩多是痰熱 重者用桐油探吐 一方射干

逆流水吐之 又方李實根皮一片噙口內更用李實

根研水敷項上一週遭

用新採園中者

纏喉風屬痰熱戴云

謂其咽喉裏外皆腫者是也用桐油以鷺翎探吐 又

法用燈油脚探吐 又用遠志去心爲末水調敷項上

一遭立効亦可吐 咽喉生瘡痛是虛熱血虛多屬虛
火游行無制客於咽喉也用人參荊芥蜜炙黃柏 虛
火用人參竹瀝 血虛四物加竹瀝 實熱者黃連荊
芥薄荷硝蜜姜汁調噙化 治咽喉用倒滴刺根淨洗
入少些好酒同研滴入喉中痛立止 喉痺風熱痰先
以干緡湯後以四物加黃芩知母養陰則火降 又方
猪牙皂角爲末和霜梅噙 又方木鱉子用淡塩水浸
口噙一丸 又方茜草一兩一服降血中之火 又方
焰硝半錢枯礬半錢礪砂一錢爲末杜仲牛膝搗汁調

喉閉或有中垂一絲結成小血珠垂在咽喉中用杜
牛膝根卽鼓槌草直而獨條者搗碎用好米醋些小和
研取汁三五滴滴在鼻中卽破 喉痛必用荊芥陰虛
火炎上必用玄參 又喉痺陳年白梅入蜒蚰令化噙
梅於口中

入方

雄黃解毒丸

治纏喉急喉風雙鶩腫痛湯藥不下

雄黃

兩

巴豆

去油十

欝金

錢一

右爲末醋糊丸如菉豆大熱茶清下七丸吐出頑涎

卽甦大効如口噤以物斡開灌之下咽無有不活者

潤喉散 治氣鬱夜熱咽乾硬塞

桔梗 二錢半

粉草 一錢

紫荷車 四錢

香附 三錢

百藥煎 一錢半

右爲末敷口內

又方 治喉痛

鵬砂

膽礬

白殭蠶

陳霜梅

右爲末和噙

頭風六十六

屬痰者多 有熱有風有血虛 在左屬風荆芥薄荷
屬血虛川芎當歸 在右屬痰蒼朮半夏屬熱酒苓爲
主又屬濕痰川芎南星蒼朮 偏頭風在左而屬風者
用荆芥薄荷此二味卽是治之主藥有君臣佐使之分
凡主病者爲君而多臣次之佐又次之須要察其兼見
何症而佐使之如有痰卽以二陳湯治痰而佐之他症
皆倣此又須察識病情全在活法出入加減不可執方
入方

酒片苓

兩

蒼朮

羌活

防風

各五錢

細辛

二錢

蒼耳

三錢

右爲末每服三錢生姜一大片同搗勻茶湯盪起服

之

又方

酒片苓

五錢

蒼朮

二錢半

羌活

酒黃連

川芎

生甘草

蒼耳

各一錢

半夏麴

炒三錢半

右爲末服法同前

又方

酒片苓

一兩

蒼朮

羌活

川芎

各五錢

蒼耳

細辛 各三錢

右為末服法同前

又方 治濕痰頭風

片苓

酒炒三錢

蒼朮

酒炒一兩

川芎

細辛

各一錢

甘草

一錢

右為末服法同前

瘦人搗藥

軟石膏

朴硝

各五錢

腦子

荆芥

檀香皮

薄荷

各一錢

白芷

細辛

各一錢

右爲末搐鼻內

頭痒風屑髮黃

用大黃酒浸炒爲末茶調

一粒金搐鼻方 治偏頭風

葦撥

不以多少研細用獾猪膽汁拌勻再入膽內懸陰乾

藁本

玄胡索

白芷

川芎

各一兩

青黛

一兩

右爲末入製葦撥末一兩半用無根水丸每用一粒
長流水化開啗鼻以銅錢二三文口咬定出涎

治頭風

烏頭尖匕箇

荆芥

防風

甘草

蔓荊子

台芎

桔梗

麻黃

右爲末茶調

一人頭風鼻塞

南星

蒼朮

酒芩

辛夷

右爲末茶調

附錄頭風用熱藥多間有挾熱而不勝熱劑者宜消

風散茶調散服之
頭風發動頂後兩項筋緊吊起

痛者看其人挾寒挾虛宜三五七散 頭風九月取
菊花作枕最良 素問論頭風者本於風寒入於腦
髓耶本事方論婦人患頭風者十居其半或者婦人
無巾以禦風寒焉耳男子間有患者若經年不愈者
宜灸顙會百會前頂上星等穴差

附方

消風散

荆芥穗

甘草 炙

川芎

羌活

人參

茯苓

防風

白殭蚕 炒

藿香

蟬退

去土炒各二兩厚朴

姜製半兩

陳皮

去白半兩

右爲末每服二錢荆芥湯或茶清調下

茶調散

薄荷

去梗不見火八兩

川芎

四兩

羌活

甘草

白芷

各二兩

細辛

去葉一兩

防風

二兩半

荆芥

去梗四兩

右爲細末每服二錢食後茶清調下常服清頭目

二五七散

細辛

一斤半

乾姜

炮二斤

防風

四斤

山茱萸

去核

茯苓 各三斤

附子 二十五箇 炮去皮臍

右爲細末每服二錢温酒食前調下

頭眩六十七

頭眩 痰挾氣虛併火 治痰爲主挾補氣藥及降火

藥 無痰則不作眩痰因火動又有濕痰者有火痰者

濕痰者多宜二陳湯火者加酒芩挾氣虛者相火也

治痰爲先挾氣藥降火如東垣半夏白朮天麻湯之類

眩暈不可當者以大芩酒炒爲末茶湯調下火動其

痰用二陳加黃芩蒼朮羌活散風行濕 左手脉數熱

多脉濇有死血 右手脈實有痰積脉大是久病久一作虛

久病之人氣血俱虛而脉大痰濁不降也 昔有一

老婦患赤白帶一年半頭眩坐立不得睡之則安專治赤白帶帶愈其眩亦安

附錄眩者言其黑暈轉旋其狀口閉眼暗身轉耳聾如立舟船之上起則欲倒蓋虛極乘寒得之亦不可一途而取軌也又風則有汗寒則掣痛暑則熱悶濕則重滯此四氣乘虛而眩暈也 又或七情鬱而生痰動火隨氣上厥此七情致虛而眩暈也淫慾過度

腎家不能納氣歸元使諸氣逆奔而上此氣虛眩暈也吐衄漏崩肝家不能收攝榮氣使諸血失道妄行此血虛眩暈也 要尋致病之因隨機應敵其間以升降鎮墜行法爲最不可妄施汗下識者將有採薪之憂 有早起眩暈須臾自定目以爲常者正元飲下黑錫丹 傷濕頭暈腎著湯加川芎名除濕湯 踈風川芎茶調散 有痰青州白丸子

附方

頭暈方

利痰清熱降火

或滾痰丸亦可

南星五分

半夏錢一

桔梗分七

枳殼錢一

陳皮錢一

甘草分五

茯苓錢一

黃芩分七

右作一服生姜七片水煎食後服

香橘飲 治氣虛眩暈

木香

白朮

半夏麴

橘皮

茯苓

砂仁各半兩

丁香

甘草炙二錢半

右剉散水二盞生姜五片煎服 加當歸川芎官桂

治血虛眩暈

白附子丸

治風痰土厥眩暈頭疼

全蝎半兩炒

白附子炮

南星炮

半夏

旋覆花

甘菊

天麻

川芎

橘紅

僵蠶炒

乾姜生各二兩

右爲末生姜半斤取汁打糊丸梧子大煎荊芥湯下

五十九

人參前胡湯 治風痰頭暈目眩

半夏麴

木香

枳殼炒

紫蘇

赤茯苓

南星炮

甘草炙各五錢

人參三錢

前胡五錢

橘紅五錢

右剉散每服五錢生姜五片水煎服

芎朮除眩散 治感濕感寒頭重眩暈

附子

生

白朮

川芎

各半兩

官桂

甘草

炙各二兩半

右剉每服三錢姜七片水煎服

茯苓桂枝白朮甘草湯 治氣上冲胷戰搖眩暈

茯苓

一兩

桂枝

七錢半

白朮

甘草

炙各半兩

右剉每服四錢水煎服 風症加川芎細辛 濕症

加川芎蒼朮 寒証加乾姜良姜

半夏白朮天麻湯 見頭痛類

正元散

紅豆 炒三錢

人參 二兩

肉桂 半兩

附子 炮去皮尖

川芎

山藥 姜汁炒

烏藥

乾葛 各一兩

川烏 炮去皮臍半兩

乾姜 炮三錢

白朮

甘草 炙

茯苓 各二兩

陳皮 二錢

黃耆 炙一兩半

石呶咀每服三錢水一盞姜三片棗一枚入鹽少許

煎服

黑錫丹

肉桂半兩

沉香

附子炮去皮臍

故紙

胡蘆巴酒浸炒

茴香炒

肉豆寇麩裏煨

陽起石研細水飛

金鈴子蒸去皮核

木香各一兩

硫黃

黑錫去滓各二兩

右用黑蓋或新鉄鉢內如常法結黑錫硫黃砂子地

上出火毒研令極細餘藥並杵羅為末一處和勻自

朝至暮以研至黑光色為度酒糊丸如桐子大陰乾

入布袋內擦令光瑩每服四十粒空心搵姜湯或棗

湯下女人艾棗湯下

腎著湯 見腰痛類

川芎茶調散 見頭痛類

頭痛六十八

頭痛多主於痰痛甚者火多有可吐者可下者 清空

膏治諸頭痛除血虛頭痛不可治 出東垣試効方 血虛頭痛

自魚尾上攻頭痛用芎歸湯古方有追涎藥

附錄頭痛須用川芎如不愈各加引經藥

太陽川芎 陽明白芷 少陽柴胡

太陰蒼朮 少陰細辛 厥陰吳茱萸

如肥人頭痛是濕痰宜半夏蒼朮如瘦人是熱宜

酒製黃芩防風如感冒頭痛宜防風羌活藁本白

芷如氣虛頭痛宜黃芪酒洗生地黃南星秘藏安

神湯如風熱在上頭痛宜天麻蔓荊子台芎酒製

黃芩如苦頭痛用細辛如形瘦蒼黑之人頭痛

乃是血虛宜當歸川芎酒黃芩如頂顛痛宜藁本

防風柴胡東垣云頂顛痛須用藁本去川芎且如

太陽頭痛惡風脉浮緊川芎羌活獨活麻黃之類爲

主少陽頭痛脉弦細往來寒熱柴胡爲主陽明

頭痛自汗發熱惡寒脉浮緩長實升麻葛根石膏白
芷爲主 太陽頭痛必有痰體重或腹痛脉沉緩以
蒼朮半夏南星爲主 少陰頭痛足寒氣逆爲寒厥
其脉沉細麻黃附子細辛爲主 厥陰頭痛或吐痰
沫厥冷其脉浮緩以吳茱萸湯主之 血虛頭痛當
歸川芎爲主 氣虛頭痛人參黃芪爲主 氣血俱
虛頭痛調中益氣湯內加川芎三分蔓荊子三分細
辛二分其効如神 又有痰厥頭痛所感不一是知
方者體也法者用也徒知體而不知用者弊體用不

失可謂上工矣

附方

清空膏 治偏正頭痛年深不愈者又治風濕熱頭上

壅及腦痛除血虛頭痛不治

川芎

五錢

柴胡

七錢

黃連

酒炒

防風

羌活

各一兩

炙甘草

一兩五錢

細挺子黃芩

三兩去皮一半酒製一半炒

右為末每服二錢熱盞內入茶少許湯調如膏抹在

口內臨臥少用白湯送下如苦頭痛每服加細辛二

分痰厥頭痛脈緩減羌活防風川芎甘草加半夏

一兩五錢 如偏正頭痛服之不愈減羌活防風川

芎一半加柴胡一倍 如發熱惡熱而渴此陽明頭

痛只與白虎湯加粉葛白芷

安神湯 治頭痛頭旋眼黑

生甘草

炙甘草

各二錢 防風 二錢五分

柴胡

升麻

酒生地

酒知母

各五錢

酒柏

羌活

各兩

黃芪

二兩

右剉每服五錢水煎加蔓荊子五分川芎三分再煎

臨臥熱服

徹清膏

蔓荆子

細辛

各一分

薄荷葉

川芎

各三分

生甘草

炙甘草

各五分

藁本

一錢

右爲末茶清調下二錢

順氣和中湯 治氣虛頭痛此藥升陽補氣頭痛自愈

黃芪

一錢半

人參

甘草

炙七分

白朮

陳皮

當歸

芍藥

各五分

升麻

柴胡

各二分

細辛

蔓荆子

川芎

各二分

右作一服水煎食後服

不卧散 治頭痛

猪牙皂角錢一 玄胡

青黛些小

右為末吹鼻中取涎

半夏白朮天麻湯 治脾胃証已經服疎風丸下二三

次元証不瘳增以吐逆痰唾稠粘眼黑頭旋目不敢

開頭苦痛如裂四肢厥冷不得安卧

黃柏二分酒洗

乾姜三分

澤瀉

白茯苓

天麻

黃芪

人參

蒼朮各五分

炒神曲

白朮各一錢

麥芽

半夏湯洗

檳榔 二兩

常山 酒浸 四兩

右爲末麩糊丸如梧桐子大每服三十丸未發前臨
卧用冷酒吞下便睡至五更又用冷酒吞下十五丸
至上午方喫温粥忌生冷油膩

玄兔丹 和劑 小便多

兔絲子 酒浸研焙乾 取末十兩

五味子 酒浸研末 白茯苓

蓮肉 各三兩

右爲末另研山藥末六兩將浸藥餘酒加酒煮糊杵
搗丸如梧桐子大每服五十丸空心米飲下

玉華白丹 和劑 遺精

白石脂 煨研 鍾乳粉 煉 左顧牡蠣 用葦菜葉搗鹽泥固濟火

煨取白者各 陽起石 煨酒淬
五錢研細

右為末糯米糊丸如芡實大出火毒每服一丸空心

人參湯放冷送下

養氣丹 和劑

禹餘糧石 煉七次醋 紫石英 煨 赤石脂 煨
淬浸七次

陽起石 煨 鍾乳粉 煉 代赭石 煉七次醋
浸七次

磁石 煉十次醋 肉蓯蓉 酒洗 巴戟心 去
浸七次

破故紙炒

山藥

茯苓

當歸各一兩

肉豆蔻煨

五靈脂

鹿茸

附子

官桂

木香

沉香

丁香

茴香

沒藥

乳香

硃砂各五錢

遠志一兩

石先將禹紫赤代磁五石各研極細末水飛皮紙於

灰溲乾以紙筋鹽泥固濟確盛注封口炭火煨如此

三次埋土坑內七日出火毒研次入硃砂陽起石乳

粉末并餘藥末糯米糊丸如菉豆丸陰乾入布袋內

擦光每服二十九以酒薑湯棗湯鹽湯任下婦人艾

醋湯俱空心服

震靈丹 和劑 塘泄

赤石脂

紫石英

禹餘糧

代赭石

四味

打碎

續骨丹

增入

折傷

乳香

沒藥

孩兒茶

蠶殼

燒灰各等

分

右為末每服二錢接骨黃酒下欲下血燒酒下

甘草

炙

川芎

細辛

等分

右剉每服四錢姜五片芽茶少許煎服

青州白丸子

見和劑及瑞竹堂方

四神散 治婦人血風眩暈頭痛

菊花

當歸

旋覆花

荆芥穗

右等分爲細末每服二錢葱白三寸茶末二錢水一盞半煎至八分去滓食後溫服

心脾痛七十

心痛卽胃脘痛雖日數多不喫食不死若痛方止便喫

物還痛必須三五服藥後方喫物 痛甚者脉必伏用
溫藥附子之類不可用參朮 諸痛不可補氣 大凡
心膈之痛須分新久若明知身受寒氣口喫寒物而得
病者於初得之時當與溫散或溫利之藥若曰病得之
稍久則成鬱久鬱則蒸熱熱久必生火原病式中備言
之矣若欲行溫散溫利寧無助火添病耶古方中多以山
梔子爲熱藥之向導則邪易伏病易退正易復而病安
然病安之後若縱恣口味不改前非病復作時反咎醫
之失良可嘆哉一方用山梔子炒去皮每服十五枚濃

煎湯一呷入生姜汁令辣再煎小沸又入川芎一錢尤
妙山梔子大者或七枚或九枚須炒黑 大槩胃口有
熱而作痛者非山梔子不可須佐以姜汁多用台芎開
之 病發者或用二陳湯加川芎蒼朮倍加炒梔子痛
甚者加炒乾姜從之反治之法也 輕者川芎一兩蒼
朮一兩山梔子炒去皮二兩姜汁蒸餅糊丸梧桐子大
服七八十九丸熱辣姜湯下 重者桂枝麻黃石礮各等
分姜汁和蒸餅丸桐子大服五十九丸熱辣姜湯下 一
本輕者散之麻黃桂枝之類重者加石礮川芎蒼朮炒

山梔子去皮作丸服 凡治此証必要先問平日起居
何如假如心痛有因平日喜食熱物以致死血留於胃
口作痛用桃仁承氣湯下之切記輕者用葦汁桔梗能
開提其氣血藥中兼用之 以物柱按痛處則止者挾
虛以二陳湯加炒乾姜和之 有虫痛者向上白斑唇
紅能食屬虫治以苦練根錫灰之類 痛定便能食時
作時止者是虫上半月虫頭向上易治下半月虫頭向
下難治先以肉汁及糖蜜食下則引虫頭向上然後用
藥打出練樹根皮檳榔鶴虱夏取汁飲冬濃煎湯下萬

應丸最好 脉堅實不大便者下之 心痛用山梔并
劫藥止之若又復發前藥必不効可用玄明粉一服立
止 左手脉數熱多脉濇有死血 右手脉緊實痰積
弦大必是久病 胃脘有濕而痛者宜小胃丹下之
入方

黃連炒

山梔炒

吳茱萸

湯洗各五錢

荔枝核

燒存性三錢

滑石

五錢

右爲末姜汁和丸服

又方

山梔子仁 炒黃色

右為末姜湯調粥丸亦得冷痛者加草豆寇仁炒末

姜汁炊餅丸服

又方

白朮 錢五

白芍

砂仁

半夏

當歸 錢各三

桃仁

黃連

陳皮

神麩 炒各二錢

吳茱萸 一錢半

人參

甘草

殭蚕 錢各一

右為末蒸餅丸服

又方

白朮三錢半

白芍炒

陳皮

歸尾各二錢半

人參

黃連炒一錢半

吳茱萸半錢

右爲末蒸餅丸

又方 治氣實心痛者

山梔子炒焦六錢 香附一錢

吳茱萸一錢

右爲末蒸餅丸如花椒大以生地黄酒洗淨同生姜

湯煎送下二十九

又方

胡椒

萆撥各半兩

右爲末以醋調捏作團子吞之

又方

治心痛亦治哮喘

又見痰類

半夏

切碎香油炒

右爲末姜汁炊餅丸姜湯下二三十九

又方

黃荊子炒焦爲末米湯調下亦治白帶

一人脉澁心脾常痛

白朮

一兩

半夏

一兩

蒼朮

枳實

神麩

香附

茯苓

台芎

各半兩

右爲末神麩糊丸

治死血留胃脘作痛者

玄胡

一兩半

桂

滑石

紅花

紅麩

各五錢

桃仁

三十箇

右爲末湯浸蒸餅和丸

治痰飲積胃脘痛

螺螄殼

墻上年久者燒

滑石

炒

蒼朮

山梔

香附

南星

各二兩

枳殼

丹波川海
卷四
三

青皮

木香

半夏

砂仁

各半兩

右爲末生姜汁浸蒸餅爲丸棗豆大每服三四十九
姜湯下 春加芎夏加黃連冬加吳茱萸半兩有痰
者用明礬溶開就丸如雞頭大熱姜湯吞下一丸

青黛亦治心痛

藍葉槌碎取汁姜汁和服亦可如

無葉處用水一小瓶用藍安在刀頭火中燒紅淬水

服

治脾痛用海粉佐以香附末用川芎山梔生姜汁煎辣
湯調服爲佳 又方治脾痛氣實者可用牡蠣煨爲

粉用酒調一二錢服 有脾痛大小便不通者此是
痰隔中焦氣聚下焦

附錄夫心痛其種有九一曰虫痛二曰疰痛三曰風
痛四曰悸痛五曰食痛六曰飲痛七曰寒痛八曰熱
痛九曰來去痛 其痛甚手足青過節者是名真心
痛旦發夕死夕發旦死非藥物所能療 若虻虫攻
嚙心痛令人惡心而吐用川椒十粒煎湯下烏梅丸
良 有腎氣上攻以致心痛用生韭研汁和五苓散
爲丸空心茴香湯下 時作時止或飲湯水咽下而

作噦者是有死血在其中以桃仁承氣湯下之 草
豆蔻丸多治氣餒弱人心痛妙

附方

草豆蔻丸 治客寒犯胃痛者宜此丸熱亦可服止可

一二服

草豆蔻 一錢四分 麩裹煨去皮

益智 橘皮

殭蚕

人參

吳茱萸 湯洗去苦 黃芪 各八分

生甘草 三分

炙甘草 三分

歸身

青皮 各六分

神麩 炒

姜黃 各四分

澤瀉 一錢小便數者減半

桃仁 七箇去皮尖另研
麥芽 炒一錢五分

柴胡 四分詳脇下加減
半夏 洗一錢

右除桃仁另研餘為末浸蒸餅丸如梧子大服三十

丸白湯下食遠旋斟酌多少用之

丁香止痛散 治心氣痛不可忍

良姜 五兩
茴香 炒
甘草 各一兩半
丁香 半兩

右為末每服二錢沸湯點服

失笑散 治心氣痛不可忍小腸氣痛

蒲黃 炒
五靈脂 酒研淘去砂土各等分

右先以醋調二錢煎成膏入水一盞煎食前熱服

二姜丸 治心脾疼温養脾胃冷食所傷

乾姜炮 良姜

扶陽助胃湯 治寒氣客於腸胃胃脘當心而痛得熱

則已

乾姜炮一錢半 揀參 草豆蔻 甘草炙

官桂 白芍各一錢 陳皮 白朮

吳茱萸各五分 附子炮一錢 益智五分

右剉作一服水煎生姜三片棗二枚 有積聚備急

丹良

烏梅丸

治胃冷虻蟲攻心痛嘔吐四肢冷

烏梅

三百箇

黃栢

炙

細辛

肉桂

附子

炮各六兩

黃連

十六兩

人參

六兩

蜀椒

炒去閉口

者及目

當歸

各四兩

乾姜

炮十兩

右爲末取烏梅肉和蜜丸桐子大每服五十九空心

鹽湯下

桃仁承氣湯

見吐血類

小胃丹

見痰類

五苓散

見中暑類

脇痛七十一

脇痛肝火盛

木氣

有死血

有痰流注

肝急

木氣實用蒼朮川芎青皮當歸之類

痛甚者肝火

盛以當歸龍會丸姜汁下是瀉火之要藥

死血用桃

仁紅花川芎

痰流注以二陳湯加南星蒼朮川芎

肝苦急急食辛以散之用撫芎川芎蒼朮血病入血藥

中行血

治咳嗽脇痛以二陳湯加南星香附青皮青

黛入姜汁

脇痛有瘀血行氣藥中加桃仁不去尖并

香附之類 有火盛者當伐肝木 左金丸治肝火

有氣鬱而胸脇痛者看其脉沉澁當作鬱治 痛而不

得伸舒者蜜丸龍會丸最快 脇下有食積一條扛起

用吳茱萸炒黃連 控涎丹一身氣痛及脇痛痰挾死

血加桃仁泥丸服 右脇痛用推氣散出嚴氏方 左

脇痛用前藥爲君加柴胡或小柴胡亦可治

入方

小龍會丸

當歸

草龍膽 酒洗 山梔 炒

黃連 炒

川芎

各半兩

大黃

煨半兩

蘆會

三錢

木香

一錢

一方有黃芩柴胡各半兩無大黃木香一方有甘草柴胡青皮無當歸梔子

右為末入麝香少許粥糊丸如菉豆大每服五十九

姜湯下仍以琥珀膏貼痛處 龍會丸亦治有積因

飲食大飽勞力行房脇痛

當歸龍會丸

治內有濕熱兩脇痛先以琥珀膏貼痛

處却以生姜汁吞此丸 痛甚者須炒令熱服

草龍膽

當歸

大梔子

黃連

黃芩

各一兩

大黃

蘆會

半兩

木香

一錢半

黃栢

一兩

麝香

半錢

右十味爲末麩糊丸

一方加柴胡川芎各半兩又

方加青黛半兩

蜜丸治脇痛

麩丸降肝火

抑青丸

瀉肝火

黃連

半斤

右爲末蒸餅糊丸服

附錄脇下痛發寒熱小柴胡湯

肥白人因氣虛而

發寒熱脇下痛者補虛用參芪退熱用柴胡黃芩調

氣止痛用青木香青皮

瘦人脇下痛發寒熱多怒

者必有瘀血宜桃仁當歸紅花柴胡青皮大黃梔子

草龍膽

附方

推氣散 治右脇疼痛脹滿不食

枳殼

桂心

片子姜黃

各半兩一本
作殭蚕

甘草

炙一錢半

石爲末每服二錢姜棗湯調下酒亦可

枳芎散 治左脇痛刺不可忍者

枳實

炒

川芎

各半兩

粉草

炙一錢半

右爲末每服二錢姜棗湯下酒亦可

十棗湯 治脇痛甚効病人氣實可用虛人不可用

甘遂

芫花

慢火炒紫色

大戟

各等分

右爲末水一大盞棗十枚切開煮取汁半盞調半錢

人實更加一錢量虛實加減

控涎丹

見痛風類

小柴胡湯

見瘧類

琥珀湯

見積聚類

腹痛七十二

附腹中窄狹

絞腸痧

腹痛有寒 積熱 死血 食積 濕痰 脉弦食脉

滑痰

一作滑

清痰多作腹痛台芎蒼朮香附白芷爲末以

姜汁入湯調服大法之方若此 腹痛者氣用氣藥如

木香檳榔香附枳殼之類 血用血藥如歸川芎桃仁

紅花之類 初得疾元氣未虛必推蕩之此通因通用

之法久必難壯實與初病宜下虛弱衰與久病宜升之

消之 腹中水鳴乃火擊動其水也用二陳湯加黃芩

黃連梔子亦有臍寒而鳴者 凡心腹痛者必用溫散

此是鬱結不行阻氣不運故痛 在上者多屬食食能

作痛宜溫散之如乾姜炒蒼朮川芎白芷香附姜汁之類不可用峻利藥攻下之蓋食得寒則凝熱則化更兼行氣快氣藥助之無不可者 一老人腹痛年高不禁下者用川芎蒼朮香附白芷乾姜茯苓滑石之類

戴云寒痛者綿綿痛而無增減者是時痛時止者是熱也死血痛者每痛有處不行移者是也食積者甚欲大便利後痛減者是濕痰者凡痛必小便不利入方 治酒積腹痛者寬氣緊要

檳榔

三稜

莪朮

香附

官桂

蒼朮

厚朴

陳皮

甘草

茯苓

木香

右爲末神麩糊丸每服五十九丸白湯下

附錄或曰痰豈能痛曰痰因氣滯而聚既聚則礙其
路道不得運故作痛也 諸痛不可用參芪白朮蓋
補其氣氣旺不通而痛愈甚 白芍藥只治血虛腹
痛諸痛証不可用以酸收斂 臍下忽大痛人中黑
色者多死

絞腸痧作痛以樟木煎湯大吐或白礬調湯吐之姜

湯亦可探吐宜刺委中出血 腹痛須用芍藥惡寒
而痛加桂惡熱而腹痛者亦加黃柏 凡腹痛以手
重按者屬虛宜參朮姜桂之屬 凡腹痛以手不可
按者屬實宜大黃芒硝下之 凡肥人腹痛者屬氣
虛兼濕痰宜參二朮半夏 如感寒而腹痛宜姜桂
嘔者丁香 如傷暑而腹痛宜玉龍丸 如飲食過
傷而痛者宜木香檳榔丸下之 如稟受弱飲食過
傷而腹痛者當補脾胃而消導宜參朮山查麴孽枳
實木香 如癩撲損傷而腹痛者乃是瘀血宜桃仁

承氣湯加當歸蘇木紅花入酒童子便煎服下之
有全不思食其人本體素弱而腹冷痛者以養胃湯
仍加桂茱萸各半錢木香三分又或理中湯建中湯
皆可用內加吳茱萸

附方

玉龍丸 又名黃龍丸

見中暑

木香檳榔丸

見痢類

桃仁承氣湯

見吐血類

養胃湯

見瘧類

理中湯

見中寒類

小建中湯

芍藥

三兩

甘草

一兩

生姜

一兩半

大棗

六箇

桂枝

去皮一兩半

膠飴

半斤舊有微溏或嘔者去膠

右剉每服五錢水盞半姜三片大棗一枚煎八分去

滓下飴膠兩匙許再煎化溫服

腹中窄狹須用蒼朮 若肥人自覺腹中窄狹乃是濕

痰流灌臟腑不升降燥飲用蒼朮行氣用香附 如

瘦人自覺腹中窄狹乃是熱氣薰蒸藏府宜黃連蒼

木

腰痛七十三

附腎著

腰痛主濕熱 腎虛 瘀血 挫閃 有痰積 脉大者腎虛杜仲龜板黃栢知母枸杞五味之類爲末猪脊髓丸服 脉澁者瘀血用補陰丸加桃仁紅花 脉緩者濕熱蒼朮杜仲黃栢川芎之類 痰積作痛者二陳加南星半夏 腰曲不能伸者針人中 凡諸痛皆屬火寒涼藥不可峻用必用溫散之藥諸痛不可用參補氣則疼愈甚 人有痛面上忽見紅點者多死

戴云濕熱腰疼者遇天陰或久坐而發者是也腎虛者疼之不已者是也瘀血者日輕夜重者是也

入方 治濕痰腰痛大便泄

龜板一兩 炙

蒼朮

椿皮

滑石半兩

白芍酒炒

香附各四錢

右為末糊丸如內傷白朮山查湯下

又方 治腰腿濕痛

龜板酒炙

黃柏酒炙

蒼朮

蒼耳各一兩

威靈仙酒浸 一兩 扁柏半兩

右爲末酒糊丸每用黑豆汁煎四物湯加陳皮甘草
生姜湯下
久腰痛必用官桂以開之方止腹脇
痛亦可

又方

龜板酒炙一兩半

炒栢

白芍一兩

陳皮

威靈仙

知母

蒼朮

蒼耳

右爲末調服

又方

龜板酒炙半兩

酒炒栢四錢

青皮三錢

生甘草一錢半

右爲末姜一大片同前藥末一錢研勻以蒼耳汁盪起煎令沸服之

摩腰膏 治老人虛人腰痛并婦人白帶

附子尖

烏頭尖

南星

各二錢半

雄黃

一錢

樟腦

丁香

乾姜

吳茱

各一錢半

朱砂

一錢

麝香

五粒大者

右爲末蜜丸如龍眼大每用一丸姜汁化開如粥厚火上頓熱置掌中摩腰上候藥盡粘腰上烘綿衣包縛定隨卽覺熱如火日易一次

附錄腰者腎之外候一身所恃以轉移闔闢者也蓋諸經皆貫於腎而絡於腰脊腎氣一虛凡衝寒受濕傷冷蓄熱血滯氣滯水積墮傷與失志作勞種種腰疼疊見而層出矣 脉若弦而沉者爲虛沉者爲滯滯者瘀血緩者爲濕滑與伏者是痰

氣痛一身腔子盡痛皆用少許木香於藥內行氣若寒濕腰痛見熱則減見寒則增宜五積散加吳茱萸半錢杜仲一錢 若濕腰痛如坐水中或爲風濕雨露所著濕流入腎經以致腰痛宜滲濕湯不効宜腎著

湯 腎虛腰痛轉側不能以大建中湯加川椒十粒
仍以大茴香鹽炒爲末破開猪腰子作薄片勿令斷
層層散藥末水紙裏煨熟細嚼酒喫下 閃挫腰痛
宜復元通氣散酒調服或五積散加牽牛頭末一錢
或桃仁七枚

附方

青娥丸 治腎虛腰痛益精助陽

破故紙

四兩炒

杜仲

四兩炒去絲

生薑

二兩半炒乾

右爲末用胡桃肉三十箇研膏入蜜丸桐子大每服

五十九鹽酒下

獨活寄生湯 治腎氣虛弱為風濕所乘流注腰膝或

攣拳掣痛不得屈伸或緩弱冷痺行步無力

獨活

一兩

桑寄生

如無以續斷代之

細辛

牛膝

秦艽

茯苓

白芍

桂心

川芎

防風

人參

熟苳

當歸

杜仲

炒

甘草

炙各二兩

右剉每服三錢水煎空心服 下利者去地黃 血

滯於下委中穴刺出血妙仍灸腎俞崑崙尤佳

治腰疼

黑丑

四兩半
生半炒

右研細取頭末水丸桐子大硫黃為衣每服三十丸

空心鹽酒送下四服即止

補陰丸

見諸
虛類

五積散

見脚
氣類

大建中湯

見斑
疹類

復元通氣散

見氣
類

腎著為病其體重腰冷如冰飲食如故腹重如物在

腰治宜流濕兼用温暖之藥以散之

腎著湯 治腎虛傷濕身重腰冷如坐水中不渴小便

自利

乾姜 炮

茯苓 各四兩

甘草 炙

白朮 各二兩

右咬咀每服五錢水煎空心服

滲濕湯 治寒濕所傷身體重著如坐水中

蒼朮

白朮

甘草 炙各一兩

茯苓

乾姜 炮各一兩

橘紅

丁香 各二錢半

右每服五錢水一鍾生姜三片棗一枚煎服

疝痛七十四

附木腎 腎囊濕瘡

疝痛濕熱痰積流下作病大槩因寒鬱而作卽是痰飲

食積并死血 專主肝經與腎經絕無相干大不宜下

痛甚者不宜參朮 癩濕多 疝氣宜灸大敦穴在

足大指爪甲後一韭葉聚毛間是穴 食積與死血成

痛者梔子桃仁山查枳子一作枳實吳茱萸並炒以生姜汁

順流水煎湯調服一方加茴香附子 却有水氣而腫

痛者 又有挾虛者當用參朮爲君佐以疎導之藥其

脉沉緊豁大者是 按之不定者屬虛必用桂枝山梔

炒烏頭細切炒右為末姜汁糊丸每服三四十九丸姜湯

下大能劫痛

戴云疝本屬厥陰肝之一經余常見俗說小腸膀胱

下部氣者皆妄言也

入方 治諸疝定痛速効

枳實 十五片一作橘核

山梔 炒

山查 炒

吳茱萸 炒各等分

濕勝加荔枝核 炮

右為末酒糊丸服 或為末生姜水煎服或長流水

調下一二錢空心

守効丸 治癩之要藥不痛者

蒼朮

南星

白芷 散水

山查 各一兩

川芎

枳核 又云枳實炒

半夏

秋冬加吳茱萸衣鉢有山梔

右爲末神麩糊丸服 又云有熱加山梔一兩 堅

硬加朴硝半兩 又或加青皮荔枝核

又方 治諸疔發時服

海石

香附

右爲末生姜汁調下亦治心痛

又方 治陽明受濕熱傳入太陽惡寒發熱小腹連毛際間悶痛不可忍

山梔炒

桃仁炒

枳子炒

山查

右各等分研入姜汁用順流水盪起同煎沸熱服一方加茱萸

橘核散

橘核

桃仁

梔子

川烏

細切炒

吳茱萸

右研煎服

橘核散單止痛此蓋濕熱因寒鬱而發

用梔子仁以除濕熱用烏頭以散寒鬱況二藥皆下
焦之藥而烏頭又爲梔子所引其性急速不容胃中
留也

又方 治疝劫藥

用烏頭細切炒梔子仁炒等分爲末或加或減白
湯丸

又方 治疝

枇杷葉 野紫蘇葉 椒葉 水晶葡萄葉

右以水煎熏洗

腎氣方

茴香

破故紙

吳茱萸

鹽炒各五錢

胡蘆巴

七錢半

木香

二錢半

右爲末蘿蔔搗汁丸鹽湯下

積疝方

山查

炒一兩

茴香

炒

柴胡

炒三錢

牡丹皮

一錢

右爲末酒糊丸如桐子大服五六十丸鹽湯下

疝病黃病久者皆好倒倉

又方

治疝痛

山查炒四兩

枳實炒

茴香炒

山梔炒各二兩

柴胡

牡丹皮

八角茴香炒

桃仁炒各兩

吳茱萸炒半兩

右為末酒糊丸桐子大服五十丸空心鹽湯下

又方 治疝作痛

蒼朮鹽炒

香附鹽炒

黃柏酒炒為君

青皮

玄胡索

益智

桃仁為臣

茴香佐

附子鹽炒

甘草為使

右為末作湯服後一痛過更不再作矣

又方 治癩疔

南星

山查

蒼朮

白芷

半夏

枳核

神麴

海藻

昆布

半兩

玄明粉

茱萸

二錢

右為末酒糊丸

一人疝痛作腹內塊痛止疝痛止塊痛作

三稜

莪朮

醋煮

炒麴

姜黃

南星

各一兩

山查

二兩

木香

沉香

香附

各三錢

黃連

用茱萸炒去茱萸用五錢淨

蘿蔔子

桃仁

山梔

枳核

炒各半兩

右爲末姜汁浸蒸餅爲丸

予嘗治一人病後飲水患左丸痛甚灸大敦穴適有摩腰膏內用烏附丁香麝香將與摩其囊上橫骨端火溫帛覆之痛卽止一宿腫亦消予舊有柑橘積後因山行饑甚遇橘芋食之橘動舊積芋復滯氣卽時右丸腫大寒熱先服調胃劑一二貼次早注神思氣至下焦嘔逆覺積動吐復吐後和胃氣疎通經絡而愈

附錄木腎者心火下降則腎水不患其不溫真陽下

行則腎氣不患其不和既溫且和安有所謂木强者
哉夫惟嗜慾內戕腎家虛憊故陰陽不相交水火不
相濟而沉寒痼冷凝滯其間脹大作痛頑痺結硬勢
所必至矣不可純用燥熱當溫散溫利以逐其邪邪
氣內消榮衛流轉益如寒谷回春蓋有不疾而速不
行而至者矣

入方 治木腎

楮樹葉

又云楊樹

雄者晒乾爲末酒糊丸桐子大空心

鹽湯下五十九

又方 治木腎不痛

枸杞子

南星

半夏

黃柏

酒炒

蒼朮

鹽炒

山查

白芷

神麩

炒

滑石

炒

昆布

吳茱萸

右為末酒糊丸桐子大空心鹽湯下七十九

治小腸氣及木腎偏墜

黑牽牛一斤用猪尿胞裝滿以線縛定口子好酒

米醋各一碗於砂鍋內煮乾為度取出黑牽牛用

青紅娘子各十九箇於鉄鍋內炒燥去青紅娘子

將牽牛碾取頭末四兩另入猪苓澤瀉細末各二兩醋糊丸如梧桐子大每服三十九空心塩酒送下不可多服多服令人頭眩如頭眩可服黑錫丹

腎囊濕瘡

蜜陀僧 乾姜 滑石

右為末擦上

又方 先用吳茱萸煎湯洗

吳茱萸半兩 寒水石三錢 黃栢二錢 樟腦半兩

蛇牀子半兩 輕粉十銖 白礬三錢 硫黃二錢

檳榔三錢

白芷三錢

右爲末麻油調擦

又方 治腎上風濕瘡及兩腿

全蝎一錢

檳榔一錢

蛇牀子一錢

硫黃一錢

右四味研如細末用麻油調入手心擦熱吸三口用手抱囊一頃次搽藥兩腿上

耳聾七十五

耳聾皆屬於熱少陽厥陰熱多當用開痰散風熱通聖

散滾痰丸之類 大病後耳聾須用四物湯降火

陰虛火動耳聾者亦用四物湯

因鬱而聾者以通聖散內大黃酒煨再用酒炒三次後
入諸藥通用酒炒 耳鳴因酒過者大劑通聖散加枳
殼柴胡大黃甘草南星桔梗青皮荆芥不愈用四物湯
妙 耳鳴必用龍薈丸食後服 氣實人檳榔丸或神
芎丸下之 聾病必用龍薈丸四物湯養陰 濕痰者
神芎丸檳榔丸 耳濕腫痛涼膈散加酒炒大黃黃芩
酒浸防風荆芥羌活服腦多射少濕加枯礬吹 耳內
閃閃然亦是陰虛

戴云亦有氣閉者蓋亦是熱氣閉者耳不鳴也

又方

草麻子 四十九粒

棗肉 十箇

右入人乳汁搗成膏石上畧晒乾便丸如指大綿裹塞於耳中

又方

鼠膽汁滴入耳中尤妙

又方

將龜放漆卓上尿出用綿漬之捏入青葱管中滴

入耳中

附錄耳屬足少陰之經腎家之寄竅於耳也腎通乎耳所主者精精氣調和腎氣充足則耳聞而聰若勞傷氣血風邪襲虛使精脫腎憊則耳轉而聾又有氣厥而聾者有挾風而聾者有勞損而聾者蓋十二經脈上絡於耳其陰陽諸經適有交并則臟氣逆而爲厥厥氣搏入於耳是謂厥聾必有眩暈之証耳者宗脈之所附脈虛而風邪乘之風入於耳之脈使經氣痞而不宣是謂風聾必有頭痛之証勞役傷於

血氣淫慾耗其精元瘦悴力疲昏昏曠曠是爲勞聾
有能將息得所血氣和平則其聾暫輕 又有耳觸
風邪與氣相搏其聲嘈嘈眼見光爲之虛聾 熱氣
乘虛隨脉入耳聚熱不散濃汁出爲之膿耳 人耳
間有津液輕則不能爲害若風熱搏之津液結鞣成
核塞耳亦令暴聾爲之聾耳前是數者腎脉可推風
則浮而盛熱則洪而實虛則澹而濡風爲之疎散熱
爲之清利虛爲之調養邪氣屏退然後以通耳調氣
安腎之劑主之於此得耳中三昧

丹溪心法 卷四 李

和劑流氣飲 治厥聾

方見氣類內加菖蒲生薑葱同煎服 治聾皆當

調氣

桂星散 治風虛耳聾

辣桂

川芎

當歸

細辛

石菖蒲

木通

白蒺藜炒

木香

麻黃去節

甘草炙各二錢半

紫蘇一錢

南星煨

白芷梢各四錢

右剉每服二錢水煎葱二莖食後服

地黃丸 治勞損耳聾

熟地

當歸

川芎

辣桂

兔絲子

川椒炒

故紙炒

白蒺藜炒

胡蘆巴炒

杜仲炒

白芷

菖蒲各一錢半

磁石火燒醋淬七次研水飛一錢二分半

右爲末煉蜜丸如桐子大服五十九葱白温酒下

益智散 治腎虛耳聾

磁石制如前

巴戟去心

川椒各一兩炒

沉香

石菖蒲 各半兩

右為末每服二錢用猪腎一枚細切和以葱白少鹽

并藥濕紙十重裹煨令熟空心嚼以酒送下

芎芷散 治風入耳虛鳴

白芷 石菖蒲炒 蒼朮 陳皮

細辛 厚朴 半夏 桂

木通 紫蘇莖葉 甘草炙各二錢半 川芎五錢

右剉散每服三錢姜三片葱二枝水煎食後臨卧服

耳鳴方

草烏 燒

石菖蒲

右等分爲末用綿裹塞耳一日三度

耳鳴暴聾方

川椒

石菖蒲

松脂 各二錢半 山豆肉 半錢

右爲末溶蠟丸如棗核大塞入耳

蔓荊子散 治內熱耳出濃汁

甘草 炙

川升麻

木通

赤芍

桑白皮 炒

麥門冬 去心

生地

前胡

甘菊

赤茯苓

蔓荊子

右等分每服三錢姜三片棗一枚煎食後溫服

又方 治耳內出膿

真龍骨

枯白礬

赤小豆

黃丹

烏賊骨

臙脂

一分錢

右為末摻耳

又方 治耳內膿出或黃汁

石膏

新瓦上煨

明礬

枯

黃丹

炒

真蚌粉

龍骨

各等分

麝香

少許

右為末綿纏竹箇拭耳換綿蘸藥入耳

取耳方 治風熱搏之津液結鞣成核塞耳

生豬脂

地龍

釜下墨

等分

右件細研以葱汁和捏如棗核薄綿裹入耳令潤卽
挑出

耳爛 貝母爲末乾糝

桃花散 治耳中出膿

枯礬

乾臙脂

各一錢

麝香

一字

右爲末綿杖子蘸藥搽之

通聖散

見斑疹類

滾痰丸

大黃半斤

黃芩半斤

青礞石一兩

沉香五錢

右為末水丸桐子大

龍會丸見脇痛類

檳榔丸見痢類

神芎丸見痛風類

涼膈散見自汗類

鼻病七十六

酒瘡鼻是血熱入肺 治法用四物湯加陳皮又云栝皮紅

花酒炒黃芩煎入好酒數滴就調炒五靈脂末同服格
致論中於上藥有茯苓生姜氣弱者加黃芪

又方

用桐油入黃連末以天吊藤燒灰熱傳之 一云

用桐油入天吊藤燒油熟調黃連末拌傳之

又方

用山梔爲末蜜臘丸彈子大空心嚼一丸白湯送

下

治鼻中瘰肉 胃中有食積熱痰流注治本當消食積

蝴蝶礬錢二

細辛錢一

白芷錢五

右為末內鼻中

治鼻淵

南星

半夏

蒼朮

白芷

神麩

酒苓

辛夷

荆芥

右水煎食後服

附錄酒瘡者此皆壅熱所致夫肺氣通於鼻清氣出

入之道路或因飲酒氣血壅滯上焦生熱邪熱之氣

留伏不散則為之鼻瘡矣又有肺風不能飲而自生

者非盡因酒瘡耳宜一味泝米泔食後用冷飲外用
硫黃入大菜頭內煨碾塗之 若鼻尖微赤及鼻中
生瘡者辛夷碾末入腦麝少許綿裹納之或以枇杷
葉拭去毛剉煎湯候冷調消風散食後服 一方以
白鹽常擦妙 又以牛馬耳垢敷妙

附方

白龍丸末逐日洗面如澡豆法更罨少時方以湯洗
法食後常服龍虎丹一貼

方見和劑風門

白龍丸

川芎

藁本

細辛

白芷

甘草

各等分

右爲細末每四兩入煨石膏末一斤水丸

又方 黃栢苦參檳榔等爲末付以豬脂調丸妙

又方 以青黛槐花杏仁研敷之

又方 以杏仁研乳汁敷之

鉛紅散 治風熱上攻面鼻紫赤刺癢疹俗呼肺風

舶上硫黃

白礬

枯各半兩

右爲末黃丹少許染與病人面色同每上半錢津液

塗之臨卧再塗兼服升麻湯下瀉青丸服之除其根本也
二方見癘風類

輕黃散 治鼻中瘕肉

輕粉

一錢

雌黃

半兩

杏仁

一錢湯浸去皮尖雙仁

麝香

少許

右於杵鉢內先研杏仁如泥餘藥同研細勻磁合蓋定每有患者不問深淺夜卧用筋點粳米許紐鼻中隔夜一次半月効

消風散

見中寒類

眼目七十七

眼黑睛有翳皆用黃栢知母 眼睛痛知母黃栢瀉腎

火當歸養陰水 眼中風淚出食後吞龍會丸數日三

次 冬月眼暴發痛亦當解散不宜用涼藥

入方

神効七寶膏 治暴發眼熱壅有翳膜者

麩仁去油 白鵬砂 朱砂 片腦

蜜調成膏點眼

爛眶眼

薄荷

荊芥

細辛

右為粗末如燒香狀燒之以青碗塗蜜少許於內覆香烟上取煙盡之後以小青確收烟藏之凡眼有風熱多淚者皆可點此是陽明經有風熱所致

生熟地黃丸 治血虛眼

方見眉眶痛類

龍會丸 見脇痛類

一人病眼至春夏便當作鬱治

黃芩 酒浸

南星 姜制

香附 童便浸

蒼朮 童便浸 各二兩

川芎便浸一兩半

山梔炒一兩

草龍膽酒浸

陳皮

連翹

蘿蔔子蒸

青黛各半兩

柴胡三錢

右爲末神麩糊丸

附方

瀉熱黃連湯

治眼暴發赤腫疼痛

黃連酒炒

黃芩酒炒

草龍膽

生地各一兩

升麻半兩

柴胡一兩

右咬咀每服四錢水煎日午前飯後熱服

上清散

治上熱鼻壅塞頭目不清利

川芎

薄荷

荆芥穗各半兩

益硝

石膏

桔梗各一兩

石為末每服一字口噙水鼻內搐之神効加龍腦三分尤妙

東垣熟地黃丸

人參二錢

炙甘草

天門冬去心

地骨皮

五味子

枳殼炒

黃連各三錢

歸身酒洗焙

黃芩各半兩

生地酒洗七錢半

熟乾地黃一兩柴胡八錢

右為末煉蜜丸桐子大每服百丸茶清下食後日二

服

口齒七十八

口瘡服涼藥不愈者因中焦土虛且不能食相火衝上
無制用理中湯人參白朮甘草補土之虛乾姜散火之
標甚則加附子或噙官桂亦妙 一方生白礬爲末貼
之極効或噙良久以水嗽之再噙 一方治口瘡甚者
用西瓜漿水徐徐飲之冬月無此用西瓜皮燒灰敷之
又方黃連好酒煮之呷下立愈 又方遠志醋研鵝
毛掃患處出涎

入方

細辛

黃栢

炒一云黃連等分

右為末貼之或摻舌上吐涎水再敷須旋合之

治滿口白爛

葶撥

一兩為末

厚栢

一兩

右用栢火炙為末米醋煎數沸後調上藥漱涎再用

白湯漱口即愈重者三次

舌上生瘡用白荷花瓣貼之

附錄口舌生瘡皆上焦熱壅所致宜如聖湯或甘桔

湯加黃芩一錢仍用柳花散摻之

附方

黑參丸 治口舌生瘡久不愈

黑參

天門冬

麥門冬

去心各炒一兩

右為末煉蜜丸如彈子大每服一丸綿裹噙化嚥津

柳花散 治口舌生瘡

玄胡索一兩

黃栢

黃連各半兩

密

僧二錢

青黛二錢

右為末敷貼口內有津即吐

增損如聖湯

桔梗

二兩

甘草

炙一兩半

防風

半兩

枳殼

湯浸去穰二錢半

右為末每服三錢水煎食後服

甘桔湯

桔梗

二兩

甘草

一兩

右水煎食後溫服

理中湯

見中寒類

牙痛梧桐淚為末少加麝香擦之

牙大痛必用胡椒

革撥能散其中浮熱間以升麻寒水石佐以辛涼荆芥

薄荷細辛之類 又方用清涼藥便使痛不開必須從

治苾撥川芎薄荷荆芥細辛樟腦青鹽

防風 羌活 青鹽入肉 細辛

萆撥 川椒

右為末擦噉

又方

南星為末霜梅五箇取其引涎以荆芥薄荷散風

熱青鹽入腎入骨擦噉

又方

蒲公英 燒灰

香附末

白芷

青鹽

右爲末擦噙

治陰虛牙出鮮血氣鬱

用四物湯加牛膝香附生甘草側柏

蛀牙

蘆薈白膠香塞蛀孔中

陽明熱而牙痛

大黃香附各燒灰存性爲末入青鹽少許不時擦

牙上

固齒

用羊脛骨燒灰存性二錢當歸白芷猪牙皂角青
鹽各一錢爲末擦牙上

刷牙藥

燒白羊骨灰一兩升麻一兩黃連半錢擦用

破滯氣

附氣刺痛

七十九

附諸氣

破滯氣須用枳殼高者用之夫枳殼者損胸中至高之
氣二三服而已又云滯氣用青皮勿多用多則瀉眞氣
如實熱在內相火上冲有如氣滯宜知母黃栢黃連

黃芩 如陰虛氣滯者宜四物加玄參黃柏以補血

氣刺痛用枳殼看何部分以引經藥導使之行則可

若稟受素壯而氣刺痛宜枳殼烏藥 若肥白氣虛之

人氣刺痛者宜參朮加木香 若因事氣鬱不舒暢而

氣刺痛當用木香

附錄

克按丹溪無治氣條後人增入姑存以便閱者

人以氣爲主一息不運則機緘窮一毫不續則穹壤

判陰陽之所以升降者氣也血脉之所以流行者亦

氣也榮衛之所以運轉者此氣也五臟六腑之所以相養相生者亦此氣也盛則盈衰則虛順則平逆則病氣也者獨非人身之根本乎人有七情病生七氣七氣者寒熱怒恚喜憂愁或以爲喜怒憂思悲驚恐皆通也然則均調是氣將何先焉曰氣結則生痰痰盛則氣愈結故調氣必先豁痰如七氣湯以半夏爲主而官桂佐之蓋良法也况夫冷則生氣調氣須用豁痰亦不可無溫中之劑其間用桂又所以溫其中也不然七情相干痰涎凝結如絮如膜甚如梅核壅

碍於咽喉之間咯不去嚥不下或中艱食或上氣喘
急曰氣隔曰氣滯曰氣秘曰氣中以至五積六聚疝
癖癥瘕心腹塊痛發則欲絕殆無往而不至矣 怒
則氣上喜則氣緩驚則氣亂恐則氣下勞則氣耗悲
則氣消思則氣結此七者皆能致疾 寒氣鬱於中
作痛者以七氣湯益煎散東垣升陽順氣湯 逆者
抑之以木香流氣飲降氣湯有熱者須加涼劑抑之
所謂從陰引陽也

附方

和劑七氣湯 七氣所傷痰涎結聚心腹刺痛不能飲

食

半夏五兩

人參

桂各一兩

甘草炙半兩

右每服三錢水煎姜五片棗一枚

三因七氣湯 治如前

半夏五兩

茯苓四兩

厚朴三兩

紫蘇二兩

右剉以水煎姜七片棗二枚

指迷七氣湯 治七情相干陰陽不得升降氣道壅滯

攻衝作疼

青皮

陳皮

桔梗

莪朮

桂

藿香

益智

香附

一兩半

甘草

炙七錢半

半夏

七錢半

右剉每服三錢水煎姜三片棗一枚

加減七氣湯

莪朮

炮

三稜

炮

青皮

陳皮

香附

藿香

益智

甘草

炙

桔梗

官桂

木香

檳榔

枳殼

炒

白果

蘿蔔子

炒

紫蘇

右以水煎姜三片

流氣飲子 治男婦五臟不和三焦氣壅心胸悶痞咽

塞不通腹脇膨脹脚氣腫痛肩背走注疼痛嘔吐不

食氣喘咳嗽痰盛面目浮腫及四肢大便秘澁小便

不通

木香 二錢半

檳榔

青皮

半夏

茯苓

枳殼

桔梗

當歸

芍藥

防風

川芎

紫蘇

枳實

黃芪

烏藥

腹皮

甘草炙

陳皮七錢半

右劉每服五錢水煎姜三片棗一枚

和劑流氣飲 調榮衛利三焦行痞滯消腫脹

陳皮

青皮

紫蘇

厚朴姜制

香附炒

甘草炙各四兩

木通二兩

腹皮

丁皮

檳榔

桂

木香

草果

莪朮炮

藿香各一兩半

麥門冬去心

人參

白朮

木瓜

赤茯苓

石菖蒲

白芷

半夏

枳殼炒各一兩

右每服三錢水煎姜四片棗二枚 一方有大黃無

藿香

大七氣湯 治積聚隨氣上下發作有時心腹疼痛大

小便不利

三稜炮

莪朮炮

青皮

陳皮

藿香

桔梗

肉桂

益智

各一兩半

甘草

炙七錢半

香附

炒一兩半

右剉以水煎姜五片

分心氣飲

治男婦一切氣不和心胸痞悶脇肋脹滿

噎塞不通噫氣吞酸嘔噦惡心頭目昏眩四肢倦怠
面色痿黃口苦舌乾飲食減少日漸羸瘦大腸虛秘
並皆服之

紫蘇

莖葉俱用四兩

羌活

半夏

肉桂

青皮

陳皮

腹皮

木通

桑白皮

炒

芍藥

甘草

炙各一兩

赤茯苓

一兩

右剉每服三錢水煎生姜三片棗一枚燈心十莖若
氣秘加枳殼蘿蔔子皂角子各半錢 咳嗽不利加
人參一錢五味子七粒桔梗一錢 氣滯腰疼加木

瓜二片枳殼一錢 水氣面目浮腫加車前麥門冬

葶藶子澤瀉猪苓

分心氣飲 治一切氣留滯於胸膈之間不能流暢以

致痞悶噎塞不通大便虛秘

木香

丁香

各二錢

人參

麥門冬

去心

腹皮

檳榔

桑白皮

草果

桔梗

厚朴

白朮

各半兩

香附

藿香

陳皮

紫蘇

各一兩半

甘草

炙一兩

右剉每服姜三片棗一枚水煎服

分心氣飲真方 治憂思鬱怒諸氣痞滿停滯通利大

小便

紫蘇 莖葉 三兩

半夏

枳殼 各一兩半

青皮

橘紅

腹皮

桑白皮 炒

木通

赤茯苓

木香

檳榔

莪朮

麥門冬 去心

桔梗

桂

香附

藿香 各一兩

甘草 炙一兩 三錢

右剉每服三錢水煎入姜三片棗二枚燈心十莖

蘇子降氣湯 治虛陽上攻氣不升降上盛下虛痰涎

壅盛頭目腰痛大便風秘冷熱氣瀉肢體浮腫

紫蘇子

半夏五兩

當歸

甘草炙

前胡

厚朴各二兩

官桂

陳皮三兩

右劉姜三片棗一枚水煎服

三和散 和暢三焦治痞脹浮腫腸胃澁秘

腹皮炒

紫蘇莖葉

沉香

木瓜

羌活各二兩

白朮

川芎

木香

甘草炒

陳皮

檳榔濕紙煨各七錢半

右每服三錢水煎服 加茯苓利水

蟠葱散 治男婦脾胃虛冷氣滯不行攻刺心腹痛連

胸脇膀胱小腸腎氣及婦人血氣刺痛

玄胡索

肉桂

乾姜

炮各一兩

蒼朮

甘草

炙各八兩

砂仁

丁皮

檳榔

各四兩

蓬朮

三稜

茯苓

青皮

各六兩

右每服二錢水煎入連莖葱白一莖空心溫服

治氣六合湯

當歸

芍藥

川芎

地黃

木香

檳榔

右以水煎服

分氣紫蘇飲 治脾胃不和胸膈噎塞腹脇疼痛氣促

喘急心下脹悶

枳殼

茯苓

腹皮

陳皮

甘草

蘇子

草果

白朮

當歸

紫蘇

半夏

桑皮

五味子

右劉姜三片水煎

木香化滯散

木香

白朮

陳皮

桔梗

腹皮

茯苓

人參

砂仁

青皮

藿香

姜黃

檀香

白果

聚香飲子

治七情所傷遂成七疝心脇引痛不可俛

仰

檀香

木香

丁香

乳香

沉香

藿香

玄胡索

川烏

各一兩

炮

桔梗

炒

桂心

甘草

炙

片子姜黃

各十兩

右姜三片棗一枚水煎服

沉香降氣湯 治三焦痞滿滯氣不宣心腹痛滿嘔吐痰沫五噎五膈

沉香

木香

丁香

藿香

人參

甘草

白朮

肉豆寇

桂花

檳榔

陳皮

砂仁

川姜

炮

枳實

炒

白檀

各一兩

白茯苓

青皮

白豆寇

右每服三錢水煎入塩少許

烏藥平氣散 治脚氣上攻頭目昏眩脚膝痠疼行步

艱苦諸氣不和喘滿迫促

人參

白朮

茯苓

甘草

天台烏藥

當歸

白芷

川芎

麻黃

木瓜

五味子

右姜三片水煎服

復元通氣散 治氣不宜流或成瘡癰并閃挫腰痛諸

氣滯閉耳聾耳疼止痛活血

茴香

穿山甲

蛤粉炒各二兩

白牽牛

炒

玄胡索

甘草

炒

陳皮

各一兩

木香

一兩半

右爲末每服一錢熱酒調服

手拈散 治心脾氣痛

草果

沒藥

玄胡

五靈脂

右爲末酒調二錢

枳殼煮散

治悲哀傷肝氣痛引兩脇

防風

川芎

枳殼

細辛

桔梗

甘草

葛根

右用水煎服

鹽煎散 治男子婦人一切冷氣攻衝胸脇刺痛不已

及脾胃虛冷嘔吐泄瀉膀胱小腸氣婦人血氣痛

羌活

砂仁

甘草 炙

茯苓

草果

肉豆蔻 煨

川芎

茴香

華澄茄

麥芽 炒

檳榔

良姜 油炒

枳殼 炒

厚朴

陳皮

蒼朮 等分

右用水煎加鹽少許

東垣升陽順氣湯

升麻

柴胡

陳皮

半夏

人參

各三錢

黃芪

四錢

甘草

栝皮

各五分

當歸

一錢

草豆蔻

一錢

神麩

炒一錢半

右咬咀每半兩入姜煎

分氣紫蘇飲

治脾胃不和氣逆喘促心下脹滿嘔逆

不食

五味子

桑白皮

茯苓

甘草

炙

草果

腹皮

陳皮

桔梗

各一斤

紫蘇

十五兩

右劉每服四錢水煎姜三片入鹽少許

雞舌香散 治臟腑虛弱陰陽不和中腕氣滯停積痰

飲胸膈脹悶心脾引痛

台烏

香附

良姜

芍藥

甘草

肉桂

右以水煎服

大玄胡湯

莪朮

三稜

當歸

芍藥

官桂

檳榔

厚朴

木香

玄胡

大黃

桔梗

川練子

川芎

甘草炙

黃芩

右以水煎服

化氣散

治諸食積并宿食不消此劑至為穩當

三稜

莪朮

青皮

陳皮

厚朴

神麩

麥芽

甘草

台烏

香附

右以水煎服

東垣木香順氣散

治濁氣在上則生臃脹

木香

分三

厚朴

分四

青皮

陳皮

益智

茯苓

澤瀉

生姜

吳茱萸

半夏

各二分

當歸

分五

升麻

柴胡

分一

草豆蔻

三分
煨

蒼朮

分三

右作一服水煎溫服

勻氣散

治氣滯不勻胸膈虛痞宿食不消心腹刺痛

脹滿噎塞嘔吐惡心調脾胃進飲食

生姜

沉香

丁香

檀香

木香

各一兩

藿香

四兩

甘草

炙四兩

砂仁

二兩

白果仁

二兩

右爲末每服二錢沸湯調下或水煎服

順氣木香散 治氣不升降胸膈痞悶時或引痛及酒

食過傷噫氣吞酸心脾刺痛女人一切血氣刺痛

砂仁

官桂

甘草

炙

陳皮

厚朴

丁香

茴香

桔梗

蒼朮

木香

乾姜

良姜

右以水煎服

快氣散 治一切氣心腹脹痛胸膈噎塞噫氣吞酸胃

中痰逆嘔吐及宿酒不解

砂仁

甘草炙

香附

生姜

右爲末鹽湯調下

異香散 治腎氣不和腹脇脹滿飲食難化噫氣吞酸

一切冷氣結聚腹中刺痛

石蓮肉

一兩

莪術

炮

益智

甘草

炙

三稜

各六兩

青皮

陳皮

各三兩

厚朴

二兩

右剉每服三錢水煎姜三片棗一枚入鹽一捻同煎

服

化氣湯 治一切氣逆胸膈噎塞心脾卒痛嘔吐酸水

丈夫小腸氣婦人血氣

沉香

胡椒 各一兩

砂仁

桂心

木香

各二兩

陳皮

炒

乾姜

炮

莪朮

炮

青皮

去穰炒

茴香

炒

甘草

丁皮

各四兩

右爲末每服二錢姜蘇鹽湯調下婦人淡醋湯下

降氣湯 治中脘不快心腹脹滿氣不升降噎塞喘促

乾噦咳嗽嗜卧減食停積不消專治脚氣上冲肢體

浮腫有妨飲食

紫蘇

厚朴

官桂

半夏

當歸

前胡

芫胡

甘草

姜

右以水煎服

木香化滯湯

治因憂氣食濕鹽麪結於中脘及腹底

微痛心下痞滿不食

草豆蔻

甘草

五錢

半夏

一兩

當歸梢

枳實

炒各二錢

紅花

半兩

右每用五錢水煎姜三片棗一箇熱服

附脾胃八十

附胃風

附方

調中益氣湯

升麻

分二

黃芪

錢一

甘草

分五

蒼朮

分五

木香

分二

人參

分五

柴胡

分五

陳皮

分二

加黃栢

分二

水煎服

四君子湯 治脾胃不調不進飲食

人參

白朮

茯苓

甘草

炙

右以水煎服

六君子湯 治脾胃不和不進飲食上燥下寒服熱藥
不得者

人參

白朮

茯苓

甘草

砂仁

陳皮

又方加半夏

右以水煎姜三片棗一枚

胃苓湯

甘草

茯苓

蒼朮

陳皮

白朮

官桂

澤瀉

豬苓

厚朴

右劉每服五錢水煎姜五片棗二枚

參苓白朮散 治脾胃虛弱飲食不進或致嘔吐泄瀉

及大病後調助脾胃

白扁豆 一斤

茯苓

山藥

人參

白朮 各二斤

蓮子

砂仁 一斤

甘草 炙二斤

薏苡

桔梗 各一斤 炒黃色

右為末每服二錢煎棗湯調下

治中湯 治脾胃不和嘔逆霍亂中滿虛痞或泄瀉

人參

甘草 炙

乾姜 炮

白朮

青皮

陳皮等分

右每服五錢水煎如嘔加半夏等分 加丁香減半

夏名丁香温中湯

丁香透膈湯 治脾胃不和痰逆惡心或時嘔吐飲食

不進十膈五噎

白朮二兩

香附炒

砂仁

人參各一兩

丁香

麥芽

木香

肉豆蔻

白豆蔻

青皮各半兩

沉香

厚朴

藿香

陳皮各七錢半

甘草炙一兩

半夏

神麴炒

草果各二錢半

右判每服四錢水煎姜三片棗一箇不拘時候温服

忌生冷瓜果

五膈寬中散 治七情四氣胸膈痞滿停痰氣逆遂成

五膈

青皮

陳皮

丁皮

厚朴

甘草炙

白果

香附

砂仁

木香

右以水煎生姜三片入鹽少許

枳縮二陳湯 理脾胃順氣寬膈消痰飲

砂仁

枳實

茯苓

半夏

陳皮

甘草 炙

水煎生姜五片

八珍湯 和血氣理脾胃

當歸

赤芍

川芎

熟芩

人參

白茯苓

甘草

砂仁 等分

右以水煎姜三片棗二枚

凝神散 收斂胃氣清涼肌表

人參

白朮

茯苓

山藥

各一兩

粳米

扁豆

炒

知母

生芩

甘草

炙半兩

淡竹葉

地骨皮

麥門冬

各二錢

半錢

右水煎姜三片棗一枚

胃風 此因初飲食訖乘風涼而致其證脹滿食飲不

下形瘦腹大惡風頭多汗膈塞不通胃風湯正治然

此亦看挾證加減脉右關弦而緩帶浮

胃風湯

見痢證類

癭氣八十一

附結核

癭氣先須斷厚味

入方

海藻

一兩

黃連

二兩一云黃栢又云黃藥

右爲末以少許置掌中時時舐之津嚥下如消三分之二止後服

結核或在項在頸在臂在身如腫毒者多是濕痰流注作核不散

入方 治耳後項間各一塊

姜蠶炒

酒大黃

青黛

膽南星

右為末蜜丸噙化

又方 治項頸下生痰核

二陳湯加大黃酒炒

連翹

桔梗

柴胡

右以水煎食後服

又方 治臂核作痛

二陳湯加連翹

防風

川芎

皂角刺

酒黃芩

蒼朮

右以水煎服

跌撲損傷八十二

跌撲損傷須用蘇木和血 黃連降火 白朮和中童
便煎炒 在下者可先須補接後下瘀血在上者宜飲
韭汁或和粥喫 切不可飲冷水血見寒則凝但一絲
血入心卽死

入方 治擗撲傷損

跌傷出血者姜汁香油各四兩酒調服之

治擗傷骨折及血出者

用滑石甘草爲末人參湯調服次用生姜自然汁一盞米醋一盞獨核肥皂四箇敲破按於姜汁米醋中紗片濾過去粗入牛皮膠煎成膏藥貼之遍身者皆可

接骨散

沒藥

乳香

各半兩

自然銅

一兩

滑石

二兩

龍骨

三錢

赤石脂

三錢

麝香

一字

右爲末好醋浸沒煮多爲上乾就炒燥爲度臨睡服時入麝香抄以茶匙留舌上温酒下分上下食前後

服若骨已接尙痛去龍骨赤石脂而服多儘好極効
世以自然銅爲接骨藥然此等方儘多大抵在補氣
補血補土俗工惟在速効以罔利迎合病人之意而
銅非煨不可服若新出火者其火毒金毒相扇挾香
挾藥毒雖有接傷之功而燥散之禍甚於刀劍戒之

又方

冬瓜皮

阿膠

等分

右炒乾爲末以酒調飲醉爲度

破傷風八十三

破傷風多死 防風全蝎之類 非全蝎不開十箇爲

末酒調日三次 破傷風血凝心鴉翅燒灰存性研細

酒調一錢

入方 破傷風發熱

瓜蒌子

九錢

滑石

半一錢

南星

蒼朮

赤芍

陳皮

一錢

黃連

炒栢

黃芩

白芷

五分

甘草

些少

右姜一片煎服

附方

天麻丸 治破傷風神効

天麻

川烏

生去皮
各三錢

草烏

生

雄黃

各一錢

右爲末酒糊丸梧子大每服十丸温酒下無時

元戎治破傷風欲死者

川烏

南星

半夏

並生

天麻

去蘆
等分

右爲細末每服一錢豆淋酒調下稍温服次以酒三盞投之

諸瘡痛八十四

附天泡瘡

凍瘡

諸瘡痛不可忍者用苦寒藥加黃連黃芩詳上下根梢

用及引經藥則可。又云諸瘡以當歸黃連爲君連翹
甘草黃芩爲佐。諸痛痒瘡瘍屬火若稟受壯盛宜四
物加大承氣下之。若性急面黑瘦血熱之人因瘡而
痛宜四物加黃連黃芩大力子甘草在下焦者加黃栢
若肥胖之人生瘡而痛乃是濕熱宜防風羌活荆芥
白芷蒼朮連翹取其氣能勝濕。諸瘡藥。膿窠治熱
燥濕爲主用無名異。乾疥開鬱爲主用茱萸。蟲瘡
如癬狀退熱殺蟲爲主。蕪荑黑狗脊白礬雄黃硫黃
水銀殺蟲樟腦松香頭上多加黃連方解石蛇牀定痒

殺蟲松皮炭主膿 腫多者加白芷開鬱 痛多加白

芷方解石 蟲多加梨蘆斑猫 痒多加枯礬 陰囊

瘡加茱萸 濕多香油調 乾痒出血多加大黃黃連

猪脂調 紅色加黃丹 青色加青黛 虫多加錫灰

蕪荑檳榔 在上多服通聖散在下多須用下 脚腫

出血分濕熱用藥

入方 瘡有三種

膿泡瘡治熱爲主

黃芩

黃連

大黃

各二錢

蛇牀

寒水石三兩

黃丹半錢

白礬一錢

輕粉

白芷

無名異少許炒

木香少許痛者用

右爲末油調傳

沙瘡

蕪荑

二錢

剪草

二錢

蛇牀

白礬

枯

吳茱萸

黃栢

各一錢

蒼朮

厚朴

雄黃

各五分

寒水石

二錢

輕粉

十貼

右爲末油調傳

疥瘡藥

春天發瘡疥開鬱爲主

不宜抓破傳

白礬二錢

吳茱萸二錢

樟腦半錢

輕粉十盞

寒水石二錢半

蛇牀子三錢

黃栢

大黃

硫黃各一錢

檳榔一箇

又方

蕪荑

白礬枯

軟石膏

大黃

樟腦各半兩

貫仲另入

蛇牀子各一兩

硫黃

雄黃各二錢半

右爲末香油調須先洗瘡去痂傅之

上散

寒水石

一兩

雄黃

三錢半

蛇牀子

白膠香

黑狗脊

各兩

黃連

五錢

硫黃

二錢半

吳茱萸

三錢

白礬

枯五錢

斑猫

十四箇去翅足

右硫黃雄黃寒水石另研如粉次入斑猫和勻蛇牀

狗脊等為極細末同研勻洗瘡令湯透去痂用臘猪

油調手心中擦熱鼻中臭三二次却擦上一上即愈

如痛甚腫滿高起加寒水石一倍如不苦痒只加狗

脊如微痒只加蛇牀子如瘡中有虫加雄黃如喜火

炙湯洗加硫黃口臭不止亦可愈也

附方

四物湯

見婦人類

大承氣湯

見痢類

郭氏升麻牛旁子散

治時毒瘡疹脉浮紅在表者瘡

發於頭面胸膈之際

升麻

牛旁子

甘草

桔梗

葛根

玄參

麻黃

各一錢

連翹

一錢

右咬咀姜三片水二盞作一服

升麻和氣飲

治瘡腫癢疥痒痛

甘草

陳皮 各一兩半

芍藥 七錢半

大黃 半兩

乾葛

蒼朮

桔梗

升麻 各一兩

當歸

半夏

茯苓

白芷 各二錢

乾姜

枳殼 各半兩

三因有厚朴半兩

右咬咀每服一兩水煎

當歸飲子 治瘡疥風癬濕每燥痒瘡

當歸

白芍

川芎

生芫

白疾藜

防風

荆芥 各一兩

何首烏

黃芪

甘草 各半兩

右咬咀每服一兩水煎或爲末每服一二錢亦可

天泡瘡 用防風通聖散末及蚯蚓泥畧炒蜜調傅極

妙 從肚皮上起者是裏熱發於外也還服通聖散
斑疹類

凍瘡 用煎熟桐油調蜜陀僧末敷

脚上爛瘡久不愈 先以豆腐漿水洗三兩次懸鈎粗
葉地暴相葉搗細入鹽些少盪之

丹溪心法卷四終